



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

XVIII. Die Ivnii.

urn:nbn:de:hbz:466:1-9625

morre medicorum non nemo affirmavit; optandum esse, ut omnes ad mortem viri istius conuenirent ad condiscendam ab illo artem bene, sancteque in summis cruciatibus moriendi. Sæpius quotidie peccata confessus est, ad gratiæ diuinæ cumulum exaugendum. Quicquid Theologicæ virtutes, quicquid omnis pretiosæ moriendi apparatus suggerit, abundè, meditatè, solidè, ac tenèrè per solidos ipsos 14. dies executus est. Vir de quo ut dixi, luculentum viri fide dignissimi testimoniū extat quòd Deum nunquam villo lethali peccato offenderit: & tamen di-

cebat. *Non dubito, quidem de diuina misericordia: Absit! Hoc non! Hoc nunquam in æternum! tamen timeo peccata mea, & iudicem illum iustissimum.* Viaticum in medio cubiculi genibus nixus accepit; quotidie S. Synaxi postea recreatus. Manè post acerbissimos noctis cuiusdam dolores lætâ, & velut incantum flexâ voce cum se à nemine audiri putaret diuulè tria hæc repebat alto sensu *Amor! Amor! Amor! Deus! Deus Deus: Æternitas! Æternitas! Æternitas!* Abrumpo reliqua: & referuo alij loco & tempori.

XVIII. DIE IUNII.

P. P E T R V S
G A S C O N.

ANte initam Societatem pia Mater id illi inculcabat, ut in mille frustra se discerpi potius quam villo peccato inquinari pateretur. Eius domus ad eam erat erga pauperas liberalis ut, *Hospitalis gratia* diceretur. Cum adhuc foris esset, cur chirothecas manibus non induceret rogatus, in Christi manibus clauos non chirothecas fuisse dixit, diuersorium deseruit, ut insidiosam suæ pudicitie matremfamilias fugeret: quam acerbè obiurgarat, & repulerat flagitium flagitantem. In Societate, impigrirate permagnâ fuit præstans, & seridè ad leges attentus ita ut omnem iocum ignorare penitus videretur. Æstate panno crasso vestitus, miserantibus respondebat, se in ea cogitatione occupari, quomodo dæmon flammis ubique sit velut vestitus, nec vestem illam vnquam possit exuere. Inde illi cogitatio in æternitate defixa, & verba nonniû necessaria,

eaque, seria, & perpauca. P. Ramirez, magnus istic Ecclesiastes, aiebat tales Galcones duodecim orbi terrarum conuertendo pares futuros. Etiam ruri degens partitè signo campanæ distinguebat tempora & obseruabat: orandi ranea studio duas mane horas, duas item alias vesperi transcribebat. Quodam dilecto suo & pio viro abeunte, ac documentum pro vitæ vniuersæ regula patente, chartulam arripuit, ac ter silentium illi inscripsit, ei que dedit pro vitæ totius ex virtute degendæ compendio.

P. F R A N C I S C V S
B O R D E S I U S.

HVius germanus, vir locuples, tres quos habebat liberos (ut narro in præiosis occupationibus cap. 24. n. 5.) Societati se dedicantes lætus vidit, demum eidem, & ipse addictus, nuptiatis sub mortem votis & suis omnibus (cuius erat Petrocoricensis)

S s Socie.

Confugios.

Hispanus
Valenciæ 18.
Iunii 1583.
Soc: 4.

Castis.

Mortific.

Timor.

Amor Dei.

Lingua.

Operarius.

Oratio.

Silentium.

Gallus Petrocoricis
18. Iunii 1596
alius ponit.
19. Maij.

Defid. mort.

Sacrum.

Socierati transcriptis. Ad huius in æde nostrâ magnâ Urbis celebritate tumulati sepulchrum post dies aliquot accessit P. Franciscus, & supplex a Deo, vt felici morte breui fratri iungeretur in cælo, petijt. Postridie sacrificanti missa è cælo vox dixisse perhibetur. *Exaudita est oratio tua.* Accinxit se ille quibus poterat artis sanctissimè moriendi industrijs, & breui post dies aliquot morbo fratrem ad immortales securus est: voto suo sanctè positus, & fraternæ mortis meditatione ad benè moriendum abundè instructus, priusque restatus nullum se diem vixisse quem non aliquâ cogitatæ mortis commentatione ornasset.

MARCUS ANTONIVS

RIVALTA COAD.

Italus Neapol. 18. Iunij 1611. Soc. 10.

B. 77.

Patentia.

DE hoc legi P. Petri Antonij Spinelli Prouincialis chirographum, in quo ait sibi ab illo narratum, quòd sub finem sui tyrociniij Paduæ, cum anxius animi affligeretur, manè somnum inter, ac vigiliam viderit Beatissimam Virginem Matrem, quæ dixerit, vt alacri animo esset, futurum enim quidem, vt & alia quædam pateretur, perstiturum tamen in Societate, & octo ferè annis victurum; tum demum saluum fore: duos etiam ex illius consanguineis diem vltimum obiisset. Ita videri Deiparam desisset;

& postea de duobus illis mortuis nuncium appulisse. Retulit id ille suo Magistro Nouitiorum, & postea anno 1610. Patri Spinello, eidemque idem sibi repeti petenti anno 1611. 2. Iunij iam extremum æger, octo annis postquam hoc à Beatissima Virgine audierat, repetijt.

ANONYMVS IAPON.

COADIUT.

LIteræ P. Petri de Boschere Vlyssiponæ datæ aiunt; hunc variè cruciatum, laniatum, & in aqua gelida per 70. dies itamersum, vt capite tantum emineret: demum gloriosum agonem abscisso capite consummasse.

Iaponia
Iaponia. 18.
Iunij. 1614

P. CLAVDIVS

CANTHEU.

Miro amore obedientiæ, ac sui odio inflammatus ardebat. Mansuetudo in illo suauissima, cum tamen sibi nihil parceret. Nullum ad Altare Deo sacrificium incruentum offerebat, quin se prius acerbis flagris cecidisset, atque ita Deo in doloris, & amoris victimam pro apparatione ad sacrificium obtulisset.

Gallus Nanc.
ceij. 18. Iunij
1618.
Stat. 55.
Soc. 10.

Sacrum
Mortif.

XIX. DIE.